

藥師寺緣起

右寺者天武天皇即位八年庚辰十一月皇后不愈巫

醫不驗回之為除病延命發奉鑄丈六藥師佛像之

願爰靈驗有感皇后病愈天皇大感已鑄金銅之像

鋪金未畢以十四年丙戌秋九月九日天皇崩於明香

清御原以戊子年十一月葬給於高市大内山陵皇

后嗣即帝位是持統天皇也為遂太上天皇前緒高

市郡建寺安置佛像經論等本藥師寺是也即塔露

盤銘文云維清原宮馭宇天皇即位八年庚辰之歲

建子之月以中宮不念創此伽藍而鋪金未遂龍駕

騰仙太上天皇奉遵前緒遂成斯業照先皇之弘誓
光後帝之玄功道濟群生業傳曠劫式於高躅敢勒
貞金魏々蕩々藥師如來大發誓願廣運慈哀猗歟
聖王仰延冥助爰飭靈宇莊嚴調御亭々寶刹寂々
法域福崇億劫慶溢萬齡

寬元元年

癸卯初秋上旬候寫之云々

右藥師寺緣起以塔擦柱銘摺本校會了

東大寺大佛記

勅朕以薄德忝承大位志存兼濟勤撫人物雖孳土
之濱已霑仁恕而普天之下未洽法恩誠欲賴三寶
之威靈乾坤相泰修万代之福業動植咸榮粵以天
平十五年歲次癸未十月十五日發菩薩大願奉造
盧舍那佛金銅像一軀盡國銅而鑄像削大山以構
堂廣及法界為朕知識遂使同蒙利益共致菩提夫
有天下之富者朕也有天下之勢者朕也以此富勢
造彼尊像事也易成心也難至但恐徒有勞人無能
感聖或生誹謗反墮罪辜是故預諸知識者懇發至